


Kumtluang

BU NGANA



Pawl-V Mizo

ZIRLAI 11

THUFING

Ka fapa, ka dân chu theihnghilh suh la,
I thinlungin ka thupêkte chu zâwm reng zâwk rawh se;

Dam ni leh kum te,
Thlamuanna te a pêk belhchhahsak dân che nia.

Khawngaihna leh thutak chuan hnuchhawn che suh se,
I nghâwngah zem tlat la, I thinlung phêkah ziaak rawh.

Tichuan, Pathian leh mihring mit hmuhah
Duhsakna leh hmingthatna i hlawh dân nia.

I thinlung zawnz zawnzin LALPA ring la,
Nangma hriatnaah inngat suh.

I kawng zawnz zawnzah amah hre reng la,
I kawngte chu a kawhmmuh zêl ang che.

Mahni ngaihin intifing suh la;
LALPA chu tih la, sual kalsan rawh.

I lai atân hrisêlna a ni ang a,
I ruh atân thlîng a ni ang.

I sumin LALPA chawimawi la,
I thil lo pung hmasa ber zawnz zawnzge nèn;

Tichuan, i buh in chu a lo khat liam ang a,
I sâwr khur uain tharin a luang liam ang.

Ka fapa, LALPA thununna che ngainêp suh la,
A zilhhauna che ning hek suh.

LALPA chuan a hmangaihnte chu a zilhhau thin a ni,
Pain fa a lâwm apiangte a zilhhau thin ang hian.

Finna hmu chhuaktu chu a nihlawh a,
Hriat thiamna hmu chhuaktu pawh.

Tangkaraw peipun aiin a peipun chu a tha zawk si a.
A hlêp pawh rangkachak tha mi aiin.

Lunghlu sen mi aiin a hlu a;
Thil i duhthusâm theih ang zawnz zawnz pawhin a hen lo.

A kut dîng lamah dam reina a awm a,
A kut vei lamah sum leh ropuina.

A kawngte chu nunkhaw nawmna kawng a ni a,
A kawng zawnz zawnz chu thlamuanna a ni.

A vuan apiangte tân nunna thing a ni a,
A kawl reng apiangte chu an hamtha e.

Thu pawimawhte

theihnghilh	thlamuanna	hnuchhawn
intifing	sâwr khur	hmingthatna
thununna	zilhhauna	duhthusâm
hamthatna	nunkhaw	nawmna

TIH TURTE

1. Hêng zawhnate hi chhâng teh.

- (a) Dân zawm chu eng nge a thatna?
- (aw) Tute nge nihlawh?
- (b) Lalpan tute nge a zilhau thin?
- (ch) Engtin nge Lalpa chawimawi tur?
- (d) Lalpa tih a sual kalsan hlawkna.

2. Hêng thumal hmang hian thu han phuah teh.

thlamuan : _____

duhthusâm : _____

hnuchhawn : _____

zilhau : _____

thunun : _____

3. A âwl laiah dah dik rawh.

- (a) Mahni ngaihin _____ suh la.
- (aw) Nangma _____ inngat suh.
- (b) A kut ding lamah _____ a awm a.
- (ch) A _____ zawng zawng chu thlamuan a ni.
- (d) A zilh hauna che _____ hek suh.

4. Hêng thute hi a mil ber nên thai zawm rawh.

theihnghilh	lainatna nena en
khawngaih	tam deuh deuh
thlamuang	hre leh tawh lo
nihlawh	dah belh leh teuh
ngainêp	hlauhna nei lo
belhchhah	vannei takzet
pung	ngai sang lo

5. Heng thute hi hrilhfiah rawh.

dam ni leh kum
luang Liam
thinlung phêk
zem tlat
hen lo

6. He Thufing hi en lova sawi thei turin vawng rawh.

7. Mizo tawng ziah dan dikan ziah rawh.

- (a) A zilhhauna che ning hek suh.
- (aw) A kutvei lamah sum leh ropuina.
- (b) A kaw! reng apiangte chu an ham t̃ha e.
- (ch) Lalpa tih la, sual kal san rawh.
- (d) I buh in chu a lo khat Liam ang.

Table of Contents

1. [ZIRLAI 11](#)
 1. [THUFING](#)
 1. [Thu pawimawhte](#)
 2. [TIH TURTE](#)
 1. [1. H>ng zawhnate hi chh^ng teh.](#)
 2. [2. H>ng thumal hmang hian thu han phuah teh.](#)
 3. [3. A ^wl laiah dah dik rawh.](#)
 4. [4. H>ng thute hi a mil ber n>n thai zawm rawh.](#)
 5. [5. Heng thute hi hrilhfiiah rawh.](#)
 6. [6. He Thufing hi en lova sawi thei turin vawng rawh.](#)
 7. [7. Mizo \awng ziah dan dikin ziaak rawh.](#)